

## **JU OPĆA BIBLIOTEKA MAGLAJ**

**-Upravni odbor-**

Broj: I/15-26-UO

Datum: 22.4.2026. godine

### **IZVJEŠTAJ O RADU UPRAVNOG ODBORA JU OPĆA BIBLIOTEKA MAGLAJ**

**1.1.2025 - 31.12.2025. godine**

#### **UVODNA NAPOMENA**

U 2025. godini Ustanova realizira brojne aktivnosti, u čemu Upravni odbor nastoji biti adekvatna podrška u svim segmentima.

Odlukom Općinskog Vijeća Maglaj, Upravni odbor Biblioteke radi u sastavu: Azra Pepelar, predsjednica; Adel Mejrić, član i Enisa Šahman, članica, zaključno sa septembrom 2025, a od 25.9.2025. godine imenovan je novi saziv koje čine Ermin Mulahasanović, predsjednik; Alaudin Efendić, član i Enisa Šahman, članica.

#### **OSNOVNE AKTIVNOSTI UPRAVNOG ODBORA**

Upravni odbor je u 2025. godini održao šest redovnih sjednica. Sjednice su održavane u skladu sa potrebama Ustanove i zakonskim normama.

Upravni odbor je na početku 2025. godine usvojio Godišnji narativni i finansijski Izvještaj o radu Biblioteke za 2024. godinu, kao i Program rada za 2025. godinu. Također, usvojen je i Izvještaj Komisije za popis stalnih sredstava, sitnog inventara, novčanih sredstava, potraživanja i obaveza za 2024. godinu.

Na sjednicama u toku 2025. godine razmatrani su:

- Periodični izvještaji o aktivnostima Biblioteke,
- Aktivnosti na potpunoj obradi građe Specijalne zbirke stare i rijetke knjige u Cooperativnom bibliotečkom onlin sistemu, te smo zadovoljni da je krajem 2025. godine bilo moguće konstatovati kako je ovaj fond zbilja dragocjen, te da veći dio publikacija posjeduje samo Biblioteka Maglaj u Bosni i Hercegovini, a dio publikacija osim nas ima svega još par biblioteka (NUB BiH, HNK Mostar). Završena je i obrada publikacija u Odjeljenju za literaturu na stranim jezicima u COBISS-u, te je i ova bibliotečka građa klasificirana prema UDK,
- Aktivnosti u programima propagiranja knjige i razvijanja kulture čitanja,

- Aktivnosti na poboljšanju upisnih politika,
- Aktivnosti na iznalaženju drugih načina grijanja,
- Aktivnosti na obnavljanju dijela informatičke opreme (Oprema nabavljena poslije 2014, njen radni vijek zbog kontinuirane eksploatacije, se približio kraju, a svi poslovi se odvijaju putem ove opreme, te je konstatovano da je Biblioteci neophodna pomoć u nabavci opreme). Zalaganjem Općinskog načelnika u budžetu za 2026. planirana su i sredstva za nabavku 3 računara.

Novi saziv Upravnog odbora je nakon konstituisanja nastavio rad u kontinuitetu, donoseći odluke i zaključke neophodne za pravilno i sa zakonom usklađeno funkcioniranje Ustanove (od Odluke o visini upisnine do odluka o formiranjima različitih komisija, itd), razmatrali, korigovali i usvajali akte od važnosti za rad Ustanove. U vremenu kada su se realizirali različiti sadržaji iz kulture u prostorijama Biblioteke, pratili smo sve ponuđene sadržaje.

## ZAKLJUČAK

Izveštaj o radu JU Opća biblioteka Maglaj za period 1.1.2025 – 31.12.2025. godine razmatrali smo i usvojili na sjednici održanoj 22. aprila 2026. godine. Navedeni Izveštaj je sastavni dio Izveštaja o radu Upravnog odbora za isti period.

Na istoj sjednici usvojen je i Program rada JU Opća biblioteka za 2026. godinu.

Nastojali smo biti korektna veza između Osnivača i Biblioteke, te vršiti svoju upravljačku funkciju na način da omogućimo najbolju moguću uslugu za naše sugrađane.



Predsjednik UO

mr. Ermin Mulahasanović



Maglaj, februar 2025. godine

## IZVJEŠTAJ O RADU JU OPĆA BIBLIOTEKA MAGLAJ za razdoblje 1.1.2025 – 31.12.2025. godine

### Opis djelatnosti Ustanove:

JU Opća biblioteka Maglaj ima za osnovnu djelatnost bibliotečko - informacijsku djelatnost. Pored toga registrirana je i izdavačka djelatnost, te obrazovanje /ostalo – kursevi, drugi oblici edukacije/.

Bibliotečka djelatnost se obavlja u skladu sa pozitivnim zakonskim propisima, poštujući propisane standarde i normative. Isto se odnosi i na izdavačku djelatnost koja ima svoju zakonsku regulativu.

Prema Manifestu za javne biblioteke UNESCO-a, javna biblioteka je lokalni centar informisanja, koja čini sve informacije i znanja jednostavno dostupnim za korisnike. Zadaci javne biblioteke jesu:

- Stvaranje i jačanje čitalačkih navika kod djece najmlađeg uzrasta
- Podrška individualnom i samostalnom obrazovanju, kao i formalnom obrazovanju na svim nivoima
- Obezbeđivanje mogućnosti za lični kreativni razvoj
- Stimulisanje mašte i kreativnosti kod djece i mladih
- Promovisanje svijesti o kulturnom naslijeđu, poštovanju umjetnosti, naučnim dostignućima i inovacijama
- Mogućnost kulturnog izražavanja u svim umjetničkim vještinama
- Poticanje međukulturnog dijaloga i zaštita kulturnih različitosti
- Potpora usmenoj tradiciji
- Obezbeđivanje pristupa građanima svim vrstama informacija koje se tiču njihove zajednice
- Unapređenje informacionih i kompjuterskih vještina.

Aktivnosti u razdoblju od 1.1.2025. do 31.12.2025.	JU OPĆA BIBLIOTEKA MAGLAJ
<input type="checkbox"/> Unutrašnje aktivnosti	<p>U okviru Biblioteke djeluje sedam odjeljenja, i to:</p> <ol style="list-style-type: none"> <li>1. odjeljenje za djecu,</li> <li>2. odjeljenje za odrasle,</li> <li>3. odjeljenje za obradu knjižnog fonda i COBISS,</li> <li>4. zavičajna zbirka i specijalna zbirka stare i rijetke knjige,</li> <li>5. čitaonica,</li> <li>6. odjeljenje za literaturu na stranim jezicima</li> <li>7. odjeljenje za slijepa i slabovidna lica</li> </ol> <p>i sva odjeljenja su radila prema Planu rada Ustanove.</p> <p>U odjeljenju za djecu upisana su 690. korisnika, a u odjeljenju za odrasle 435 korisnika, ukupno 1.125 stalnih korisnika. Dio čitalaca upisan je besplatno, a dio kroz kolektivni upis na početku godine. Istovremeno, dnevno je kroz oba odjeljenja prosječno prolazilo oko stotinu korisnika, koje naši zaposlenici opsluže najrazličitijim informacijama.</p> <p>Svakodnevno se ostvarivao i kontakt sa povremenim korisnicima: bibliotečkih usluga (čitaonica, internet, informativne posjete, sadržaji iz domena kulture, itd.).</p> <p>U proteklom periodu Ustanovu su organizovano posjetili učenici osnovnih i srednjih škola (u okviru predmeta maternji jezik i književnost). Učenici su organizovano posjećivali i izložbe koje je priređivala Ustanova. U posjeti su bila u više navrata djeca iz vrtića, te djeca sa posebnim potrebama.</p>

Zabilježili smo 14.010 posjeta od strane redovnih korisnika, a oni su posudili 23.012 bibliotečkih jedinica. Opsluženo je i 2.360 povremenih korisnika. Oko 600 osoba na godišnjem nivou koristi dnevnu i sedmičnu štampu u okviru Čitaonice.

U knjigu inventara u proteklih dvanaest mjeseci uvedene su 1.194 nove bibliotečke jedinice. Ova bibliotečka građa je istovremeno i klasificirana, te stavljena na raspolaganje korisnicima.

U okviru Zavičajne zbirke inventarisano je novih 127 članaka objavljenih tokom godine u printanim medijima, a koji govore o Maglaju i Maglajlijama, od toga 15 članaka se odnosi na aktivnosti Biblioteke.

Pored standardne bibliotečke građe, našim korisnicima na raspolaganju su i dva dnevna, jedan sedmični list, te određen broj časopisa.

Svi zaposlenici doprinose i radu u Odjeljenju za zavičajnu zbirku sakupljajući i obrađujući bibliografske jedinice pronađenih u različitim publikacijama, a koje govore o Maglaju i Maglajlijama. Napominjemo da je ovo zahtjevan, spor posao, te da ima izuzetan značaj u razvoju naše Zavičajne zbirke.

#### ELEKTRONSKI KATALOG

Od 1. marta 2016. Biblioteka je ponovo počela obradu fonda kroz elektronski katalog (prethodni je u poplavi uništen).

U izvještajnom periodu, od 1. januara 2025. do 31. decembra 2025, u katalogu je obrađeno 425 bibliotečkih jedinica. Van ovog fonda je građa specijalnih zbirki.

#### COBISS

U 2025. godini u COBISS-u obrađeno je 3037 bibliotečkih jedinica. To podrazumijeva potpunu katalošku obradu publikacija, te njihovu on line dostupnost za korisnike. Trenutno, u COBISS-u je obrađeno ukupno 41.542 bibliotečkih jedinica.

#### Pregled aktivnosti iz domena kulture, odnosno propagiranja knjige u 2025. godini:

- Januar 2025. godine Kampanja „Knjiga za sve“ /upis čitalaca u kalendarskoj 2025.godini/, medijsko oglašavanje, plakatiranje, promoviranje u školama.
- 20.1. 2025. godine do 31.1.2025. godine Intenzivni kolektivni upisi učenika svih razreda osnovnih škola s područja općine Maglaj.
- 27.1.2025. godine Program za učenike OŠ „Maglaj“, razred III b u pratnji nastavnice Jasminke Ljevaković.
- 31.1.2025. godine Program za učenika OŠ „Maglaj“ u pratnji učiteljice Melihe Nalić.
- 5.2.2025. godine Otvaranje „Mulabdićevih dana kulture“, učesnici: prof.dr. Enes Durmišević, prof.dr. Orhan Bajraktarević, mr.sc. Omer Nezić, književnik Izedin Šikalo, učenici i nastavnici Paralelne muzičke škole.
- 10.2.2025. godine Promocija knjige „Legat Maglaju“ Radivoja Sužnjevića (izdavački poduhvat Biblioteke). Učesnici: prof.dr. Davor Vidaković, Draško Sužnjević, Azahar Omersoftić.
- 18.2.2025. godine Otvorena izložba „Hasanaginica“, a u okviru obilježavanja 250 godina od prvih zapisa ove usmene balade. Autor izložbe književnik I

publicista Fahrudin Sinanović.

- 19.2.2025. godine Program za učenike VI razreda Prve OŠ, u pratnji nastavnice Hane Čaušić.
- 20.2.2025. godine Program za učenike Mješovite srednje škole u pratnji profesorice Aldine Hodžić.
- 21.2.2025. godine Promocija Grafičke novele „Zeleno busenje“, rađene po romanu Edhema Mulabdića. Gosti: autor Emir Isović, urednik Edib Kadić.
- 24.2.2025. godine Promocija knjige „Kamenite prepreke“ autora Ilije Ivešića. Promotica Tanja Žilić, profesorica i učenice Muzičke škole Žepče.
- 25.2.2025. godine Posjeta Mirze Čehajića, stručnog savjetnika za obrazovanje u Pedagoškom zavodu Zenica.
- 26.2.2025. godine Program za učenike III razreda OŠ „Maglaj“, u pratnji nastavnice Jadranke Huseinbašić.
- 27.2.2025. godine Program za učenike OŠ „Gazi Ferhad-beg“ iz Tešnja (80 učenika).
- 27.2.2025. godine Program za učenike JU Gimnazija iz Živinica (60 učenika).
- 3.3.2025. godine Početak Ramazanskih radionica za učenike od prvog do petog razreda osnovnih škola u saradnji sa nastavnicom Arnelom Efendić (OŠ „Maglaj“).
- 10.3-18.3.2025. godine, svakodnevne Ramazanske radionice. Učešće uzeli učenici OŠ „Maglaj“ i Prve OŠ, te nastavnice: Alma Hasanić, Kanita Mulahasanović, Jasminka Ljevaković, Meliha Nalić, Sanida Ahmetbegović, Eldina Bešlagić, Dinka Muharemović (OŠ „Maglaj“), Amra Arifagić, Merjem Đuhera, Selma Mustabašić (Prva OŠ).
- 20.3.2025. godine Program (Ramazanska radionica) za djecu Vrtića „Maglajska mala raja“.
- 2.4. 2025. godine Obilježavanje Međunarodnog dana književnosti za djecu i besplatan upis učenika prvih razreda sa učenicima Prve OŠ, u pratnji nastavnica Selme Mustabašić i Emire Kujrić.
- 3.4.2025. godine Obilježavanje Međunarodnog danaknjiževnosti za djecu i besplatan upis učenika prvih razreda sa učenicima OŠ „Maglaj“, u pratnji nastavnica Ervine Čičkušić i Aime Pašić.
- 9.4.2025. godine Program za učenike područnih škola Kosova i Jablanica (Prva OŠ).
- 10.4.2025. godine Stručni skup bibliotekara F BiH – profesija Bibliotekar – učestvovali bibliotekari Biblioteke Maglaj.
- 17.4.2025. godine Promocija knjige „Sreća spava na kraju puta“. Učestvovala: autorica Lejla Delić, promotorka Hana Čaušić.
- 23.4.2025. godine Promocija knjiga „Nijemi krik“ i „Iza rešetaka ljubavi“,

autorice Kadife Tahirović.

- 5.5.2025. godine Nakon održanih redovnih izbora u IFLA (svjetska biblioteka asocijacija), naš bibliotekar Dino Salkić izabran je za člana Stalnog komiteta za pravne biblioteke, što u svijetu bibliotekarstva predstavlja historijski uspjeh.
- 21.5.2025. godine Prvi dio programa „Pipijada 2025“ – gosti Jagoda Iličić i Šimo Ešić. Programi za djecu uzrasta do 10 godina realizirani za 300 osnovaca u Kino Sali Maglaj i Holu OŠ „Novi Šeher“ za još 100 učenika sa ovog područja.
- 27.5.2025. godine Posjeta učenika devetog razreda iz Novog Šehera uz adekvatan program.
- 2.6.2025. godine Promocija knjige „Mi, djeca Sarajeva“ Mensure BurrIDGE za učenike starijih razreda maglajskih osnovnih škola.
- 15-30.6.2025. godine Pripremne aktivnosti za početak „Ljetnih radionica 2025“.
- 1.7-1.8.2025. godine, dva puta sedmično u tri grupe, radionice je pohađalo ukupno 95 djece. Radionice su prilagođene uzrastu svake grupe, a tematski obuhvataju ekologiju, kulturu sjećanja, poznavanje zavičaja, razvoj čitanja, razvoj motorike i učenje stranih jezika kroz igru.
- 11.8.2025. godine Izložba i program „Predsjednik A. Izetbegović u fondovima maglajske Biblioteke“ – upriličena Izložba do sada neviđenih fotografija iz vremena dvije posjete Predsjednika Maglaju, Izložba knjižnog fonda koji se odnosi na život i rad ove, za BiH, značajne ličnosti, te Cjelovečernji program u kome su, pored ostalog, svoja sjećanja na susret s Predsjednikom iznijeli ratni načelnik artiljerije Armije BiH Amel Herceg i muzički pedagog Hana Čizmić.
- 15.9.2025. godine U okviru obilježavanja Dana Općine, Biblioteka je organizirala susret zavičajnih autora „Zavičajni autori svome gradu za rođendan“. U programu su učestvovali: Faruk Zupčević, Rašida Muhić, Džeraldina Delić, Lejla Delić, Fuad Čičkušić i Nina Bunjevac Salkić.
- 21.9.2025. godine Promocija knjige Dalile Muratović „Kosmička prašina između nas“, promotori Rašida Muhić i Berina Aličić-Hodžić.
- 1.10.2025. godine Promocija knjige „Koščato“ Hasana Hasića (Maglajlija). Promotori su Hamza Ridžal i Nedim Gondžić.
- 15.10.2025. godine Promocija putopisa „Tragom bosanskih priča Istoka“ Hamze Ridžala. Promotor prof.dr. Haris Dervišević.
- 16.10.2025. godine Realiziran program u saradnji sa Recitatorskom sekcijom Hane Čaušić za učenike Prve osnovne škole.
- 16.10.2025. godine Realiziran program u saradnji sa Literarnom sekcijom Amele Hidić za učenike Gimnazije.
- 20-24.10.2025. godine realizacija dijela projekta „Delibegov hani: kulturno-historijska i turistička razglednica“. Uz niz programskih sadržaja, Delibegov hani je posjetilo u ovom periodu više od 700 osoba.

	<ul style="list-style-type: none"> <li>- 22-24.10.2025. godine Bibliotekari Opće biblioteke Maglaj (tri zaposlenika) učestvovali u radu 4. Internacionalne konferencije bibliotekara u Mostaru.</li> <li>- 27-30.10.2025. godine realiziran još jedan dio projekta „Delibegov han: kulturno-historijska i turistička razglednica“ uključujući i prvu bosanskohercegovačku promociju romana „Zime zaručnice“ prof.dr. Enesa Karića, uz učešće (pored autora) i promotorice književnice Amile Kahrović Posavljak (29.10.2025). U ovom periodu Delibegov han je posjetilo još oko 200 posjetilaca. Svim posjetiocima su podijeljene edukativne afiše o objektu.</li> <li>- 28.10.2025. godine Zabavno-edukativni program „Pipijada“ – II dio, realiziran u Novom Šehereu uz učešće nekoliko stotina učesnika – djece i mladih.</li> <li>- 31-10.2025. godine Posjeta stotinjak učenika škole „Abdulvehab Ilhamija“ iz Kaloševića - Tešanj za koje su u više grupa organizirani posebni programi,</li> <li>- 18.11.2025. godine Posjeta učenika i profesora OŠ Kamenica – Teslić uz prigodan program.</li> <li>- 27.11.2025. godine Gostovanje Udruženje osoba oboljelih od karcinoma „Moja istina“ iz Gračanice, uz promociju istoimene knjige.</li> <li>- 15-31.12. 2025. godine Kampanja (promoviranje čitanja i upis za kalendarsku 2026. godinu) „Tako puno knjiga, tako malo vremena“.</li> <li>- 23.12.2025. godine Realizacija programa „Nacrtaj svoju zimsku bajku“ u saradnji sa Općinom Maglaj i sve tri osnovne škole.</li> <li>- 25-31.12.2025. godine Kolektivni upisi učenika osnovnih škola.</li> </ul>
<input type="checkbox"/> Komunikacija s građanima	<p>Biblioteka ostvaruje odličnu komunikaciju s građanima, što je ocjena i samih građana koju su dali kroz dvogodišnje istraživanje Fonda Otvoreno društvo BiH.</p> <p><u>Medijsko prezentiranje realiziranih aktivnosti kao oblik komunikacije s građanima</u></p> <p>S ciljem propagiranja knjige, kulture čitanja, bibliotečke djelatnosti i naše lokalne zajednice /Općine Maglaj/, Biblioteka kontinuirano radi na ažuriranju svoje fb. stranice, na kojoj je u izvještajnom periodu objavljeno 126 priloga. Većina objava je imala više od 1.000 pregleda, pojedine objave i preko 12.000 pregleda. U prosjeku zabilježeno 37 lajkova, kod pojedinih objava i mnogo više. Uz to, mnoge objave su podijeljene i više puta, a uz mnoge stoje komentari koji su uvijek pozitivni. Prema našoj statistici 63,20 % posjetilaca su žene, a 36,80 % muškarci.Video snimci sa događaja objavljeni su na you tube canalu Biblioteke.</p> <p>Stranicu ukupno prati 3.700 osoba, i to iz BiH, Njemačke, Hrvatske, Slovenije, itd. Veliki broj objavljenih događaja doprinosi boljoj posjećenosti Biblioteke. Objave prenose i lokalni portali, pa je doseg mnogo veći.</p> <p>Portali koji prate naše aktivnosti bilo na način da podijele naše objave, bilo da kreiraju vlastite su: federalna.ba, maglaj.net, activezenica.com i drugi.</p> <p>Svi događaji /najava i izvještaj nakon realizacije/ objavljeni su bar na jednom portalu, pored naše fb. stranice.</p> <p>Od realiziranih sadržaja, 50% događaja ispraćeno je priložima na Federalnoj TV i njihovoj stranici, a budući da portal federalna.ba prati 50.000 osoba, portal maglaj.net</p>

	<p>preko 20.000 osoba, onda je vidljivost zaista značajna.</p> <p>Radio televizija Maglaj je popratila 90% realiziranih sadržaja, što kroz priloge u Dnevniku i TV Reporteru, što kroz reklamno oglašavanje, koje je vrlo korektno i kreativno.</p> <p>Objave prenose i druge neformalne stranice poput „Sub castro nostro Maglaj“, „Maglajlije“, „Novošeherski info“, itd, ali i naši korisnici, tako da je područje Općine u cijelosti pokriveno.</p> <p>Saradnju s drugim bibliotekama, osim kroz programske aktivnosti realiziramo i na internetu, tako da pojedine stranice poput onih biblioteka u Tešnju, Žepču, Usori, Visokom, Kaknju, itd, prenose vijesti o dešavanjima u maglajskoj Biblioteci.</p> <p>U printanim medijima /Dnevni avaz, Naša riječ, Oslobođenje, Preporod, itd./ u izvještajnom periodu objavljeno je 15 tekstova o aktivnostima u maglajskoj Biblioteci.</p> <p>Svake godine Biblioteka uz prigodan program i medijsku pažnju proglašava čitaoca godine, a sve u smislu propagiranja čitanja. U 2025. Godine naš čitalac Mahir Terzimehić proglašen je za najboljeg čitaoca u Federaciji Bosne i Hercegovine po odluci Fondacije za bibliotečku djelatnost.</p> <p>Osoblje Biblioteke u saradnji sa RTV Maglaj uspješno promovira kulturu čitanja.</p>
<input type="checkbox"/> Komunikacija s višim razinama vlasti, međunarodnim organizacijama itd.	<p>Biblioteka ostvaruje redovnu i kvalitetnu saradnju sa:</p> <ul style="list-style-type: none"> <li>- Općinom Maglaj</li> <li>- Ministarstvom za obrazovanje, nauku, kulturu i sport Ze-do kantona</li> <li>- Federalnim ministarstvom kulture i sporta</li> <li>- Fondacijom za bibliotečku djelatnost</li> <li>- Fondacijom za izdavačku djelatnost</li> <li>- Nacionalnom i univerzitetskom bibliotekom BIH</li> <li>- Asocijacijom bibliotekara, arhivara i muzeologa</li> <li>- IFLA –om</li> <li>- IZUM Maribor</li> <li>- drugim organizacijama prema potrebi i mogućnostima</li> </ul>
<input type="checkbox"/> Najvažnija dostignuća	<ul style="list-style-type: none"> <li>- realizirane aktivnosti izvan programskih zadataka</li> <li>- postignuta „vidljivost“ rada Biblioteke na širem području</li> <li>- odlična komunikacija s građanima</li> </ul>
<input type="checkbox"/> Prepreke u radu	<ul style="list-style-type: none"> <li>- nedostatak sredstava za dalji razvoj COBISS –a</li> <li>- nedostatak prostora za <u>čitaonicu i skladištenje</u></li> <li>- pojavljivanje sekundarnih posljedica poplave</li> <li>- nedovoljan broj zaposlenih u odnosu na obim djelatnosti</li> </ul>
<input type="checkbox"/> Unutarorganizacijske prepreke	<ul style="list-style-type: none"> <li>- nedovoljan broj zaposlenih u odnosu na obim djelatnosti</li> </ul>
<input type="checkbox"/> Prepreke iz okruženja	<ul style="list-style-type: none"> <li>- <u>Poskupljenje energenata, usluga, materijala</u></li> <li>- Negativan uticaj okruženja na razvijanje kulture čitanja</li> <li>- Ekonomski iscrpljeno stanovništvo se teško pokreće u smislu interesovanja za edukaciju i kulturnu nadogradnju</li> <li>- Visoke cijene stručne literature</li> </ul>
<input type="checkbox"/> Preporuke za Općinsko vijeće.	<ul style="list-style-type: none"> <li>- Pozivamo vas da podržavate stručno i institucionalno djelovanje u kulturi.</li> <li>- Napominjemo da je kultura /i edukaciju građana/ potrebno tretirati kao neophodnost, kao bitan segment u očuvanju identiteta zajednice, jezika, tradicije, a ne kao puku potrošnju.</li> </ul>

- Broj zaposlenih (prikazati kvalifikacionu strukturu zaposlenih): 7
- magistar nauka 1
- VSS 4
- SSS 1
- NK/SSS 1

#### Finansijski pokazatelji za period 1.1 – 31.12.2025. godine.

##### Uvodna napomena

JU Opća biblioteka Maglaj je po svome ustrojstvu u cijelosti neprofitna ustanova i njena djelatnost se finansira na sljedeći način:

1. Vlada Ze-do kantona svake godine svojim zaključkom raspoređuje sredstva za ustanove kulture. Iz tih sredstava, odredbom Vlade finansiraju se bruto plaće zaposlenika, topli obrok, regres, te 6% od iznosa bruto plaća za materijalne troškove. Ministarstvu za obrazovanje, nauku, kulturu i sport Ze-do kantona redovno šaljem tromjesečne izvještaje o utrošku namjenskih sredstava, te godišnji izvještaj prema obrascu kojeg dostave. Sva sredstva su namjenska i tako se i tretiraju kroz izvještaj. Uredno smo podnijeli izvještaj koji je prihvaćen od strane resornog Ministarstva.
2. Općina Maglaj: u budžetu Općine postoji grant Biblioteka u kojem su planirane stavke za obnovu knjižnog fonda, zavičajnu zbirku, grijanje, materijalne troškove i rad Upravnog odbora. Općina Maglaj dostavlja Biblioteci mjesečne tranše, realizacije je potpuna (100%). I ova sredstva se troše u skladu s namjenom i o tome dostavljamo i redovne izvještaje prema odlukama, te godišnji Izvještaj o namjenskom utrošku istih.
3. Sadržaji iz kulture se finansiraju uglavnom iz projekata kojima apliciramo na Javne pozive Kantona, Federacije, različitih drugih organizacija. Ova kategorija nije fiksna i nije predvidiva. Ukoliko projekat bude prihvaćen, dobijena sredstva su namjenska i troše se prema stavkama u projektu. Najkasnije 30 dana po okončanju projekta uredno dostavljamo izvještaj o utrošku sredstava prema obrascima i na način na koji to finansijer zahtijeva. Uredno smo podnijeli izvještaje za sva sredstva realizirana u 2025. godini.

<b>Imovina:</b>	
<input type="checkbox"/> Stalna sredstva vrijednosti na dan 31.12.2025.	<u>1.328.893,00</u>
<input type="checkbox"/> Ispravka vrijednosti stalnih sredstava 31.12.2025.	<u>129.646,00</u>
<input type="checkbox"/> Obrtna sredstva vrijednosti na dan 31.12.2025.	<u>5.625,00</u>

<b>Prihodi u 2025. godini</b>	<u>40.000,00</u>
<input type="checkbox"/> Prihodi ostvareni redovnom djelatnošću	
<input type="checkbox"/> Fakturisani prihodi	
<input type="checkbox"/> Naplaćeni prihodi	
<input type="checkbox"/> Nenaplaćeni prihodi	
<input type="checkbox"/> Prihodi iz Budžeta/Proračuna općine	<u>40.000,00 (48,13% povećanje u odnosu na 2024. godinu)</u>

<b>Rashodi u 2025. godini</b>	
<input type="checkbox"/> Bruto plaće (ukupno)	<u>259.526,00 /Kanton/</u>
<input type="checkbox"/> Najniža isplaćena plaća	<u>Najniža plaća iznosi 478,39 x 1,44; od 8/2025 – 478,39 x 1,85</u>
<input type="checkbox"/> Broj uposlenih sa najnižom plaćom	<u>1</u>
<input type="checkbox"/> Najviša isplaćena plaća	<u>Najviša isplaćena plaća iznosi 478,38 x 3,27, od 8/2025 – 478,39 x 3,76.</u>
<p>Narativno obrazloženje i da li se obračunavaju i plaćaju obaveze po osnovu poreza i doprinosa na isplaćene plaće:</p> <p>Koeficijenti i osnovica su određeni Zaključkom Vlade Ze-do kantona, koja je i većinski finansijer biblioteka i općenito ustanova kulture na Kantonu.</p> <p>U tabeli su prikazane najniža i najviša plaća bez radnog staža zaposlenika, budući da je to lična kategorija. Uporedo sa plaćama isplaćuju se svi porezi i doprinosi na plaće i iz plaća. Izmirene su sve obaveze prema zaposlenicima u 2025. godini.</p>	
<input type="checkbox"/> Naknade troškova zaposlenih	<u>259.526,00 /KANTON/</u>
<input type="checkbox"/> Narativno obrazloženje	Navedeni iznos predstavlja namjenska sredstva za 2025. godinu, a isti se obračunava i isplaćuje jednoobrazno na nivou Ze-do kantona.

<b>Izdaci za materijal i usluge (dio troškova)</b>	<u>40.000,00</u>
<input type="checkbox"/> Putni troškovi zaposlenika (prijevoz na posao i s posla)	<u>3.050,00</u>
<input type="checkbox"/> Izdaci za energiju (struja, pelet)	<u>Struja: 2.070,00 pelet: 8.000,00</u>
<input type="checkbox"/> Izdaci za komunalne usluge (voda, smeće)	<u>2.000,00</u>
<input type="checkbox"/> Nabavka materijala za rad	<u>2.820,00</u>
<input type="checkbox"/> Izdaci za tekuće održavanje (održavanje zgrade i opreme)	<u>2.560,00</u>
<input type="checkbox"/> Izdaci za bankarske usluge	<u>2.030,00</u>
<input type="checkbox"/> Ugovorene usluge (UO)	<u>1.500,00</u>
<input type="checkbox"/> Osiguranje objekta i radnika	<u>3.000,00</u>
<input type="checkbox"/> COBISS, licence, članarina, materijali	<u>4.000,00</u>

<input type="checkbox"/> Otpremnina	<u>5.600,00</u>
<input type="checkbox"/> PTT – pošta, telefon, internet	<u>2.200,00</u>
<input type="checkbox"/> Štampanje publikacija – izdavačka djelatnost (dio)	<u>3.170,00</u>
<input type="checkbox"/> Knjižni fond	<u>8.500,00</u>
<input type="checkbox"/> Popis 10 najvećih i najznačajnijih dobavljača	<ol style="list-style-type: none"> <li>1. Studio 3D</li> <li>2. Elektrodistribucija Maglaj</li> <li>3. RTV Maglaj</li> <li>4. Izdavačke kuće u BiH</li> <li>5. KJD Maglaj</li> <li>6. BH Telecom</li> <li>7. Knjižara „Nina“ Maglaj</li> <li>8. Euro stil Doboj</li> <li>9. Nacionalna i univerzitetska biblioteka BiH</li> <li>10. Avaz, Oslobođenje</li> </ol>

Potraživanja :	=
<input type="checkbox"/> Potraživanja iz protekle godine	=
<input type="checkbox"/> Potraživanja iz prethodnog perioda	=
<input type="checkbox"/> Obaveze	=

Obaveze:	
----------	--

<input type="checkbox"/> Prema dobavljačima	=
<input type="checkbox"/> Prema uposlenima	=
<input type="checkbox"/> Neto plaće	=
<input type="checkbox"/> Porezi i doprinosi	=
<input type="checkbox"/> Obrazloženje	<u>Sve obaveze prema dobavljačima i zaposlenicima su izmirene do 31. januara 2026.godine.</u>

<u>UKUPNI PRIHODI</u>	<u>365.545,00</u>
<u>UKUPNI RASHODI</u>	<u>364.526,00</u>

<b>Rezultat iz poslovanja:</b>	<u>Sva dobijena namjenska sredstva iz budžeta Ze – do kantona, Općine Maglaj i/ili iz realiziranih projekata su namjenski i utrošena, te su izvještaji o namjenskom utrošku dostavljeni finansijerima.</u>
<input checked="" type="checkbox"/> <b>Dobit</b>	<u>1.019,00 KM</u>
<input type="checkbox"/> <b>Gubitak</b>	

**Dodatno:**

Biblioteka je u cijelosti neprofitna ustanova, ovisna o izdvajanjima iz budžeta kako Općine, tako i Kantona. Dodatne sadržaje realiziramo uglavnom iz sredstava dobijenih kroz projekte, o čemu uredno izvještavamo finansijere.

U centru svih naših aktivnosti su djeca i mladi kod kojih nastojimo razviti osjećaj za knjigu, kulturu čitanja, ali radimo i na tome da odrasle korisnike upoznamo sa mogućnostima edukacije i samoedukacije.

Djecu i mlade motiviramo kroz brojne konkurse gdje nagrađujemo najuspješnije, potom kroz kvizove ili druge vrste edukativnih programa.

Starijima nudimo različite sadržaje iz domena kulture i podstičemo ih da budu aktivni učesnici.

Osim redovnog upisa korisnika, prakticiramo i kolektivni upis za učenike, te besplatne upise za prvačiće svih osnovnih škola.

Sarađujemo sa svim ustanovama na nivou Općine, te srodnim ustanovama na nivou Federacije i Kantona, te općenito BIH.

Kvalitetnu saradnju ostvarujemo sa Osnivačem – Općinom Maglaj, Ministarstvom za obrazovanje, nauku, kulturu i sport Ze-do kantona, te Federalnim ministarstvom kulture i sporta.

**Direktorica**

mr.sc. Nina Bunjevac Salkić

